

## INNsieme: Üna cooperaziun sur cunfins per l'En

L'En, il flüm zuond nüzzia es causa differents interess suvent lö da conflicts: spazi per abitadis e zonas da mansteranza, protecziun cunter auas, turissem, protecziun da la natüra, producziun d'energia, agricultura, sport. "INNsieme" – derivond dal pled talian per "insempel" – es ün proget da protecziun da flüm surregional sur trais ons chi metta l'En sco sistem ecologic i'l center e chi vuol contribuir a la cooperaziun tanter las singulas gruppas d'utilisaziun. Quista iniziativa da protecziun da spezchas chi includa differents sectuors metta per la prüma jada las particularitats e pretaisas illa protecziun da la natüra transcunfinalas i'l center, cul böt cha las masüras da protecziun necessarias nu gnian restrendschüdas causa ils cunfins tanter ils singuls stadis. Our da quist motiv dess gnir sviluppà in connex cun INNsieme fin dal 2021 ün model directiv intercunfinari ed ün plan d'acziun per masüras da protecziun per spazis da viver e spezchas lung l'En. Il böt es da preschantar las masüras chi pudessan gnir realisadas per restabilir las funcziuns dals spazis da viver cul böt dad ameglrdar tals per las spezchas chi as rechattan daspö ils ultims tschientiners in quist intschess.

Singulas masüras punctualas per amegldar il sistem ecologic sun gnüdas trattas fingià d'ürant la fasa da proget, per exaimpel la refacziun da la colliaziun dad ün pitschen flüm lateral al flüm principal (per cha'ls peschs dals pitschens flüms rajiundschan lur territori da fraja), la valurisaziun da las rivas etc. Ultra da quai giouva l'educaziun d'ambient üna rolla principala dal proget. Occurrenzas publicas al flüm, excursiuns professiunalas e referats per gruppas da mera, inclus eir classas da scoula, dessan contribuir dad augmentar l'immaint pella problematica da l'ambient a l'En e l'acceptanza per masüras da protecziun. Sfidas specificas ed interess d'utilisaziun vegnan tematisats in lavuratori publics cun rapreschantants d'interess.

INNsieme vain finanzià i'l rom dal program dad Interreg Austria-Bavaria 2014-2020 e vain realisà dal WWF, da la regenza dal Tirol, da l'Università da Puntina, dal "VERBUND" da las ouvas idraulicas En, da la "Innwerk AG" e da las ouvas "Österreichisch-Bayerischen Kraftwerken (ÖBK)". Ulteriur sustegn vain concess da la regenza da l'Austria Sura e da l'associaziun da pes-chaders dal Tirol. La Svizra es integrada i'l rom dal process cumanzà in Engiadina Bassa dal manaschamaint integral dal intschess idrologic da l'En.